



MELAND KOMMUNE  
Postboks 79  
NO 5906 FREKHAUG

## Manglante opplysningar – varsel om avslag på søknad

Behandling av søknad om samtykke etter arbeidsmiljølova § 18-9

Gnr 30 Bnr 2 - Meland - Håtuftvegen - Frekhaug - Meland kommune -  
etablering av vannbehandlingsanlegg

Vi viser til søknaden av 21.06.2019 om samtykke etter arbeidsmiljølova § 18-9 frå Norconsult AS.

Søknaden gjelder etablering av vannbehandlingsanlegg.

Saman med søknaden har vi mottatt kopi av søknad til kommunen m. vedlegg, teikning av plan, snitt og fasadar, sjekkliste for helse, miljø og sikkerheit, skriv med opplysningar om tiltaket og vurdering av arbeidsmiljøfaktorar og dokumentasjon på medverknad frå tilsette.

### Manglante opplysningar

Ein søknad om samtykke til Arbeidstilsynet skal dokumentere at rammene i bygget er utforma slik at sikkerheita, helsa og velferda til arbeidstakarane er tatt vare på både på søknadstidspunktet og i framtida ved at arbeidsplassar og arbeidslokale er lagde til rette og utforma med tanke på arbeidet som skal utførast, den enkelte arbeidstakaren og særskilde risikoforhold.

Før Arbeidstilsynet kan behandle saka ferdig og eventuelt gjere vedtak om samtykke, treng vi desse tilleggsopplysningane:

1. Ifølgje arbeidsmiljølova § 7-2(2) bokstav c) skal arbeidsmiljøutvalet handsame planar som krev Arbeidstilsynet sitt samtykke i medhald av arbeidsmiljølova § 18-9. I verksemdu som ikkje har arbeidsmiljøutval skal verneombodet vurdere å gi uttale om saker som nemnt i arbeidsmiljølova § 7-2(2), jf. forskrift om organisering, ledelse og medvirkning § 2-2 og forskrift om administrative ordninger på arbeidsmiljølovens område § 12-1.

Saman med søknaden har vi mottatt sjekkliste for helse, miljø og sikkerheit som er signert av



hovudverneombod og representant frå bedriftshelsetenesta. Vidare har vi mottatt skriv med erklæring på medverknad, signert av representant for dei tilsette.

Det går ikkje fram at tiltaket er handsama i arbeidsmiljøutvalet, jf. krav i arbeidsmiljølova § 7-2(2) bokstav c).

2. Ifølgje arbeidsmiljølova § 4-4(1) skal fysiske arbeidsmiljøfaktorar som inneklima vere fullt forsvarleg. I forskrift om utforming og innretning av arbeidsplasser og arbeidslokaler § 2-14 er det også sett krav om tilfredsstillande klima, mellom anna med omsyn til luftkvalitet og temperatur.

I vedlegg til søknaden med vurdering av arbeidsmiljøfaktorar, er det opplyst om to separate luftbehandlingsanlegg, eit for mannskapsdelen og eit for prosessanleggsdelen. Vidare er det opplyst om rom med eigne avtrekkssystem med eigen vifte med avkast gjennom fasade/tak, som f.eks. rom for lagring av kjemikalie.

Vi har ikkje mottatt sjekkliste for dokumentasjon av inneklima eller luftmengde tabell. Dersom ein har klar planar for ventilasjon ber vi om å få dette sendt over. Sjå følgjande lenke for rettleiing om krav til ventilasjon: <https://www.arbeidstilsynet.no/tema/byggesak/veileding-til-dokumentasjonskrav-ved-soknad-om-arbeidstilsynets-samtykke/krav-til-ventilasjon/>

3. Scan av planteikningar og teikningar av snitt som vi har mottatt saman med søknaden, har låg oppløysing og er vanskelege å lese. Vi ber derfor om å få desse sendt over i digitalt format (pdf).

For ordens skyld opplyser vi om at kommunen ikkje kan gi løyve til å sette i gang byggearbeida før Arbeidstilsynet har gitt samtykke, jf. plan- og bygningslova § 21-5.

## Kva må de gjere?

Ei skriftleg tilbakemelding med utgreiing og dokumentasjon for kvart av punkta over må sendast til oss innan 11.09.2019. Dersom vi ikkje innan fristen har fått dei tilleggsopplysningane vi ber om over, vil vi avslå søknaden om samtykke basert på opplysningane i søknaden slik han ligg føre no.

## De kan klage

Kravet om ytterlegare opplysningar har heimel i arbeidsmiljølova § 18-5. De kan klage dersom de meiner at de ikkje har plikt eller lov til å gi frå dykk desse opplysningane, jf. forvaltningslova § 14. Fristen for å klage er tre dagar frå de får dette brevet. For nærmare opplysningar om klageinstans og framgangsmåte, sjå [www.arbeidstilsynet.no/klage](http://www.arbeidstilsynet.no/klage).

## Gi informasjonen vidare til verneombodet

Verneombodet skal gjerast kjent med vedtak frå Arbeidstilsynet. Vi ber derfor om at de som arbeidsgivar gir ein kopi av dette brevet til verneombodet. Dersom verksemda ikkje har verneombod, gir de kopien til representanten for dei tilsette.

Sjå [arbeidsmiljølova](#) §§ 6-2 sjette ledd og 18-6 åttande ledd.



## Behov for meir informasjon?

De finn meir informasjon om Arbeidstilsynet og krav til arbeidsmiljøet på [www.arbeidstilsynet.no](http://www.arbeidstilsynet.no), eller de kan kontakte oss på telefon 73 19 97 00.

De kan svare på dette brevet og/eller sende inn dokumentasjon til oss digitalt via [eDialog](#). Les mer [www.arbeidstilsynet.no/post](#).

Vi ber om at de viser til vår referanse 2019/29265 ved seinare kontakt/korrespondanse i denne saka.

Med helsing  
Arbeidstilsynet Vestlandet

John B. Lægland  
tilsynsleder  
(sign.)

Per Kristian Fonn  
Senioringeniør  
(sign.)

Dette brevet er godkjent elektronisk i Arbeidstilsynet og har derfor ingen signatur.

Kopi til:  
NORCONSULT AS